

故宮
珍本
纂刊

四川府州縣志

共十七冊
第三冊



故宮博物院編

海南出版社

故宮珍本叢刊第 207 冊四川府州縣志第 3 冊(共 17 冊)

故宮博物院編

中江縣志

安縣志

石泉縣志

樂至縣志

海南出版社

故宮珍本叢刊
PDG

圖書在版編目(CIP)數據

故宮珍本叢刊.第207冊,地理.都會郡縣.四川,[乾隆]中江縣志、[乾隆]安縣志、[乾隆]石泉縣志、[乾隆]樂至縣志/故宮博物院編.-影印本.-海口:海南出版社,2001.4

ISBN 7-80645-983-9

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06703 號

故宮珍本叢刊第 207 冊

四川府州縣志第 3 冊(共 17 冊)

[乾隆]中江縣志 [乾隆]安縣志 [乾隆]石泉縣志 [乾隆]樂至縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:35.5 印數:1-400 冊

ISBN 7-80645-983-9/Z·64

定價:3380 元(四川府州縣志 65 種共 17 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

序言

志者史之原也成於史始於志
其為體有紀述而無斷案有直
叙而無曲筆良以俟採風者之
所取酌焉古者左史記言右史
記事太史以輯軒觀十五國之

序

一

謠俗猶是志也孔子因魯史作
春秋其初蓋與晉之乘楚之檮
杌同一紀事之書自司馬子長
以八書立灋班掾廣之為十志
志之名所由昉志之類所由分
乎厥後變例起義種襍出雖

所志不同其於紀事則一志固

序

二

與史相表裏也可不亟哉考
中江自晉武帝初置縣名曰五
城北周立元武郡隋廢郡改縣
尋置州後又罷州宋真宗朝改
元武為中江元初廢飛鳥入銅
山至正間又廢銅山併入中江
宋有蘓易簡號乾菴以大魁入
翰林其子名耆有才名孫名舜
欽號子美吾蘓之滄浪亭即公
所築祖孫父子蟬聯科第為有
宋一代之盛嗣後人才蔚興殆

彬、與上國埒此邦之英賢文獻皆賴邑乘以傳可任其荒略未備不足徵信乎顧舊志自康熙五十四年前後兩李令相繼採輯屬廣文王一真校訂成書門類繁而擇焉不精博焉不詳

序

三

越今又七十餘稔沿革典禮風土民情日新月盛其間忠臣孝子義夫節婦需表揚者更不知凡幾使修之不亟將懼其久而或湮其何以應

聖世輜軒之採也予於丙午秋

纂輯郡志及三射鹽蓬安樂六邑之志既成次及於中取舊志而漏者補之疑者闕之附會不事繁縟必芟其舊說多歧者闕出獨見折衷之依郡志體例為三大經分門列入昔陳壽撰三

序

四

國志時人稱其善叙事有良史才張華深善之謂壽曰當以晉書相付時丁儀丁廙仕魏有盛名陳壽謂其子三可覓千斛米當為尊公作佳傳子不與竟不作傳予不敢如陳壽之希求並

不敢吹霜噴露寒暑筆端亦
尊賢隱諱希班馬於萬一俾他
時莅此者因革弛張胥得於是
取裁焉若乃經紀人倫敦崇義
烈發潛德而闡幽光必取信而
可徵助成風教又豈僅以斷碣
序

五

傳聞付往事於然疑已哉
乾隆五十二年歲次丁未首春
朝議大夫知四川潼川府事吳
門張松孫勵堂氏撰并書



中江縣新志序

昔先王觀象於比以建萬國觀諸侯
大約畫疆以分土度地以居民臨民
以出治而其所以垂之久遠俾風土
山川民彞政教炳炳麟麟昭然在目
目間者莫詳於志之一書志之為言識
也所以脩史之一體也中邑自晉武帝
序

一

置縣曰伍城後改為元武郡隋文帝改
郡為縣尋置州宋真宗時改元武為
中江元初復將飛鳥銅山兩縣併入中
江而邑境日擴中江舊志尚無可攷至
國朝康熙庚申三韓李西屏先生蒞是
邦始脩縣志雖亦分綱列目未為美備
迄於今又七十餘年矣其間土地依然而

厚薄頓異人民不改而戶口日繁政令聿新而純漓有辨不有以修明之而昭茲來許恐因循固陋文獻無徵雖有日新月盛之奇竟與蔓草荒烟同歸剝落誠可慨也予兩權邑篆恭逢 郡伯鶴坪張公表率是邦於府志告竣後即議脩邑乘分緇為三土地也人民也政

序

二

事也分帙若干卷分目若干體覽者徒知體裁之別紀載之詳而未悉我公垂示之深心率勵之至意亦淺之乎言志矣蓋州縣之設即古列爵分土之遺意也孟子言諸侯之寶三土地人民政事而外珠玉不可寶也志中雖盡山川草木之蕃人物文章之盛以及脩舉廢墜目草損

益之宜而所謂求珠於淵取璧於山未之及也讀是志者知稼穡之惟實而地角山頭盡為沃土矣知所寶之惟賢而少壯丁男俱成俊秀矣知忠信之為寶而實政仁心咸臻上理矣現今川省時和年豐民物熙皞而 各上憲夙夜寅清潔已率屬以仰承

序

三

聖天子軫念民依率土施仁之德意則是志之脩豈僅表萬柳三台之古蹟太簡子美之才名與夫月吉規條之舊制哉殆有即志以昭勸戒而保土宇以安人民撫人民以勤政事政事得而山河效順鳥獸呈祥賦役由是而盈阜節義於焉而樹立以至學校宮牆羣賢迭

出橋梁道路比匪潛踪庶不負建國親侯

之至意耳覽是編而瞭如指掌其有闡

於吏治民生者正非淺鮮也

乾隆五十二年丁未孟春權中江縣事

吳門陳景韓月喟氏撰



序

四

中江縣志

纂修姓氏

鑒定

欽命提督四川倉書學政 國史館纂修翰林院編修錢

樾 浙江嘉善人

總纂

四川 潼川府知府張松孫

江蘇長洲人

纂修

原任陝西鹽縣教諭充旌寧學教習寧縣教雷懋德

西安鳳翔人

署中江縣事大寧縣知縣陳景韓

江蘇元和人

中江縣志

姓氏

一

分纂

候選 州

同柴友文 浙江歸安人

浙江 金華縣監生張廷楷

營山縣生員侯章五

樂至縣廩膳生員林鍾憶

江蘇 長洲縣監生張智瑩

校刊

江蘇 長洲縣監生張仁瑞

江蘇 長洲縣監生張勇琛

遂寧縣生員張問彬

繪圖

中江縣監生夏仁

採訪

中江縣儒學教諭周士澐重慶南川人

中江縣儒學訓導王曰經成都什邡人

中江縣典史王溥順天大興人

膳錄

本府戶房典史邱文秀

中江縣志

姓氏

二

中江縣吏房典史蔣萬鍾

戶房典史陳大忠

禮房典史劉榮桂

兵房典史劉俊學

刑房典史魏茹成

工房典史黃河清

中江縣志目錄

卷首

凡例

星野圖

輿圖

城池圖

護城石堤圖

卷一

土地部

中江縣志

目錄

建置

疆域

城池附

風俗

時序附

公署有圖

卷二

土地部

古蹟

八景圖說

山川

卷三

土地部

土產

卷四

土地部

寺觀

宅墓

附

中江縣志

目錄

二

津梁

場鎮

附

卷五

人民部

官師表

名宦

卷六

人民部

選舉表

卷七

人民部

人物

卷八

人民部

忠孝

卷九

人民部

列女

中江縣志

目錄

三

逸行

流寓

附

仙釋

大年

卷十

政事部

學校

有圖

書院

有圖

卷十一

政事部

壇廟

禮儀 附

貢賦

襍課 附

倉儲 附

卷十二

政事部

營制

中江縣志

目錄

四

民壯 附

舖兵 附

襍記上

襍記下

舊志序

今

聖主車書無外矣大一統而集萑輿遐方極域靡不在
照臨睿鑒之中又何有於近隸職方九區最壤山川形
勝與人物風土之可言哉顧泰華高矣而不遺寸壤漠
渤廣矣而不擇細流以故郡邑皆有志而紀載獨詳不
必名山大川嘉祥奇異凡稽之文獻信而可徵有裨於
政治堪勵夫風俗實足以黼藻昇平耶茲來許麟麟炳
炳光簡冊而與帶礪同悠久焉則志之不可缺略炳甚

中江縣志

舊序

一

雖然志之作與成蓋有難易之辨焉作之而做古覺少
易作之而創始則甚難抑作之而匪得其時與人其成
也則甚難作之而違其時與人其成也則甚易余屬邑
之中江舊志無存矣建置沿革山川名勝以及古今之
聞人節士佳藝瑤篇皆泯泯無傳焉作者必勞心博瞻
極力蒐羅歷歲月而乃告厥成功焉是初始也難乎不
難又或時際倥傯生養未遂宰斯土者乏果藝才鮮涉
雅識且戴星出入欲鳴琴不暇矣又安能畱心編輯
志梨棗而冀夫邑志之告成哉予牧梓近五年矣時覽

州志恨其缺略急欲翻成之又以撫字拙才有志未逮
適伍城邑侯丹崖公以邑志成書來報且冀弁言予曰
是邑之深幸與是邑之深幸與中江向以淵敝之區而
今鞠爲庶富此書旣成自應宣布邑之文人杰士以及
穎慧秀良睹山水之明秀而知鍾靈之不偶也覽科第
之森榮人物之挺特而知發祥之有自也仰忠孝之令
望節義之芳跡而知徽譽可傳懿行可法足以永貽不
朽也是邑侯於庶富之後而亟亟焉以教繼之邑之人
士感而奮奮而起教之之益且不僅在今茲直可垂於

中江縣志

舊序

二

奕禩猗歟盛哉不寧惟是予於此竊有幸焉近者通泉
令以其志來矣赤城令以其志來矣皆詳而要簡而確
予欲酬素願而修梓書不亦大藉此慰夙昔之志意也
乎更有慶者

中天景運乾清坤寧

聖天子命太史乘輅軒而采之則此條分縷晰之編不
下同於細流寸壤而實有助於山海之高且廣也康熙
五十四年秋九月潼川州牧瑯琊王以豐題於來袁山
亭

舊志序

史紀一代人事之大尙矣至於史不及載及載而未盡
悉者苟其人其事有關於山川風土民彝世教則又各
就其志詳之是以表章旣往昭示來茲志與史實相爲
維係通古今天下皆然莫之或闕獨余於丙戌春承乏
中邑極目環垣形勢蜿蜒磅礴意其間叢籍所傳更足
生色求取而稽之竟不可得者蓋文獻之俱湮久矣旣
而閱州志其載中邑人事唐漢以前恆不概見卽自宋
迄明如蘇太簡之祖孫吳叔永之伯仲徐士傑宋方麓

中江縣志

舊序

三

諸名卿輩鴻猷巨藻彪炳一時近在人耳目者僅著約
略無由快觀其生平而況身不列廟堂名不出鄉國間
有一二嘉言懿行踰時同歸於泯沒不知凡幾矣其他
可勝道哉竊概焉興嘆引爲己責奈四境以內田野未
闢生養未遂方謀所以經理之數年來喜其地僻而事
簡吏民亦且安余之拙而廢墜者可以漸舉也乃於庚
寅冬議修邑乘衆志協和以故多士欣然戮力分任採
訪或故家斷簡或荒野殘碑或鄰壤遺文咸鈔錄罔剩
余披覽之下自典章因革前賢往哲之功業文章泊孝

義節烈隱逸仙釋諸人事之有關於山川風土民彝世教者雖存什一於千百猶相慶不至斷滅無餘及此日而草創之之未晚也是誠一邑之厚幸矣夫特藉學博王君位中細加編輯叅互考訂務期詳確並光史冊庶歲稿就適余奉

簡命移牧昌平星言就道不遑鉸梓聊措貲六十兩付孝廉李藻董其事恐始願難酬自不能不有望於後之君子也爰預弁數言於首以俟通觀厥成云爾是爲序
康熙五十一年壬辰孟冬月三韓李維翰題

中江縣志

舊序

四

舊志序

中江舊五城縣爲劍以外形勝之區元武棲妙礪是邑者也東溪西江帶是邑者也天柱天台諸峯則拱峙是邑者也古稱河山秀拔爲東川冠依然無恙也獨是設邑以來其間人文政治民物風土足以光封域而詔後世者不知凡幾今盡湮沒不可攷徒令人嘆山川如故而載籍無聞有心君子感慨繫之矣西屏李公宰邑之五年庚寅冬事息人寧學校就理遂議修志而以纂輯之任屬余噫蜀自兵燹後文獻無徵久矣固陋如余何

中江縣志

舊序

五

能堪此大役力辭者久之不可得乃取通鑑綱目全蜀總志潼川州志與諸弟子員所採古蹟名碑爲之參互考訂至于辰秋稿粗就而公遷牧昌平然纂輯不甚備也迨丹崖李公文學政事有兼優才邑人士特以志請公又屬余以備爲期而時可緩於是更求廿一史全部及古今文集有關邑乘者得天官天文諸書而星野備得地理州郡諸書而沿革備得宋史列傳而蘇太簡蘇子美吳叔永吳忠肅之官績悉備最後得名臣奏議而蘇門祖孫吳氏昆仲之學術事功益以大備其他一字

一句有源流可考者亦固不畢備乃復刪定前稿編爲五卷重者詳之輕者略之信者傳之疑者闕之竊以維王建國提封有則邇彼職方爰志疆域勢殊時異興廢舉廢孰改孰因爰志建置肅肅廟貌煌煌聖教賢士攸關爰志學校乃殖乃播勸農勸課撫字催科爰志食貨游情遺興名言莫罄我思古人爰志名勝有德能寬惟賢則安願歌父母爰志秩官甲乙鄉歲國家常例無負虛名爰志科第出處伸屈抱道著蔚淑氣所鍾爰志人物藻采續紛可法可聞信今傳後爰志藝文此九著志

中江縣志

舊序

六

之綱也綱之下繫以目八十有一附類三條凡歷四載有餘而悉成是役也西屏公實倡之丹崖公樂與成之維余不敏竭數年心力操觚臨楮惴惴然蚊負是懼惟是事欲其該詞欲其簡義欲其嚴體制欲其不紊人無筆金求名之術余免索米作傳之譏所可告無愧於二公者如是而已抑余因之有感焉總志修於己酉州志修於丙寅倘其時學士大夫特起而修邑志則往昔碑蹟不盡摧殘三故老猶有存者徵文考獻必不至如今日之凋敝可知也奈何未之前聞直以千數百年以

宋之人事之典物寂歷至今然後得二公之賢始從而表章之而又辱以固陋之余謬任斯役耳目有窮搜羅不廣缺略詭漏其何說之辭雖然志非徒列方物具情形已也將後之宰是邑者覽秩官則思前人何以芳流百代產是邑者覽人物則思先達何以聲施不朽是則邑之幸也夫康熙五十四年乙未長至中江縣儒學教諭綿竹王一真位中題

中江縣志

舊序

七

中江縣志卷首

凡例

一中江舊志四卷修於康熙五十四年迄今七十餘載列聖相承重熙累洽民物滋豐人文蔚起事類當增補者甚多且門類繁複詞不雅馴所謂重修不過添入數頁仍未逐條訂補其間體裁既難沿襲字句復多抵牾予修各邑新志分綱列目悉依郡志體例盡棄舊本筌蹄年來廣事搜羅堪信一無縫漏有識者自知之

中江縣志

凡例

卷首

一邑於晉武帝時始立五城屬廣漢郡北周置元武郡治五城縣隋仁壽間置凱州尋廢宋改元武爲中江元初廢飛鳥入銅山至正間又廢銅山併入中江屬廣元路明初以中江屬潼川州雍正十二年改州爲府屬潼川府自設縣至今千五百餘年之添設裁併猶可稽者備詳建置資考證焉

一舊志載風俗惟務耕好學婚姻喪葬四條節序氣候則略而不書爲政者何以觀民風而察俗尙因節候以驗時和哉今列風俗於時序之後詳其紀載雖不

能與府屬各邑大有改易亦足見一道同風之治云

一勝地名區無非古蹟未有舍古蹟而可稱爲勝景也舊志所載凱江八景今猶有蹟可尋近者縣尉王溥於元武山麓鑿土得三臺績脈萬柳埭龍磨崖八大字可見八景之名其來久矣況元武飛鳥皆經昔賢芳躅登臨憑眺題咏猶存何可任其湮沒不彰致文獻無徵也今新志中以八景各繪一圖備詳其說列於古蹟之前竝附以詩亦欲使輿區名勝千古留傳不同於鴻爪雪泥無可尋踪覓跡也

中江縣志

凡例

二

卷首

一中江物產獨饒於府屬七邑如雪梨硃橘火酒香菸之類尤爲著名遠近爭購卽鹽紬稭稻九穀百蔬花果竹木之屬亦較他處爲多何一不足以利用養民故詳其物性而竝錄之若必以他邑所不盡有者方收入志未免絀一漏萬矣

一寺觀爲二氏焚修之所邱墓爲前賢瘞骨之區舊志皆略而不書書而不詳卽有斷碣殘碑埋沒於荒烟蔓草中者未及蒐羅概從摒棄予甚惜之今擬縣尉學博等細加採訪雖單詞隻字亦必抄錄送局以備

纂輯務期詳備庶幾無憾云

一官師選舉必詳其年分科分出身籍貫非表不明故
二門獨從表其恩拔副歲散考援例無論已未入仕
自應分門竝列其僅捐一監他志向所不錄然既名
列成均即可入監讀書考職筮仕故亦俱收竝錄從
通志例也

一人物忠孝宋明以來如蘇乾菴祖孫吳叔永伯仲其
學術事功洵堪不朽卽逸行仙釋如王隱君田大神
黃鹿真人皆能超棄塵俗登仙入道稽諸古昔遺蹟

中江縣志

凡例

三

卷首

猶存至閨門節烈亦秉坤維正氣冰霜矢志稱爲巾
幘完人者尤不容稍有忽略卽年例未符請旌有待
者采訪既確概爲附錄亦寄風世之意焉

一學校典禮廟制登歌樂舞實宇從同不應一隅獨異
然修建碑榜皆關振興實政人文盛衰亦視教化隆
夷卽先賢名姓先儒從祀均當詳攷備錄俾此邦士
子知所景仰不致數典皆忘至書院亦爲樂育人才
之地雖未詳建設何年而今生徒敬業絃誦有所故
另繪專圖附於學校之後

一邑境上中下三村山地固多而水田亦復不少又有
筒車之製卽高地亦可爲田架輪飛挽資其灌溉膏
腴之產較昔倍增貢賦丁糧數亦加廣今照現在全
書開載正祿錢糧額徵支解及官倉義穀實貯之數
詳爲釐正其舊志所載遠年欸項概削弗錄

一本志不列災祥一切事類皆入祿記從郡志例也又
或體無可附或先後錯出不及編次詩歌贈答有關
於本邑者亦一併附入總求其人其事其言不至絀
漏亦志體之別裁也

中江縣志

凡例

四

卷首

一志有藝文本依古史記言之例遍閱他志每多濫收
全部之卷頁無多而藝文已居大半月露風雲無關
政教竝有頌揚德政干違例禁者今不列藝文一門
有應錄者俱附於本事本人之後以類相從易於緝
閱

一每類中有疑義宜析餘意宜補者不得不著按語或
長或短不拘一律惟期明盡而止若義已無疑意已
無餘者則不強贅

而分野圖


中江縣志

星野圖

五

卷首

而分野圖




中江縣志

星野圖

六

卷首



周禮保章氏以星辨九州之野所封域皆有分星以觀
妖祥禹貢獨爲梁州之域周禮職方氏以梁併雍漢
改梁爲益州治廣漢雒縣今漢州史記天官書觜觿
參益州諸葛丞相集廣漢入觜一度晉書天文志同
隋書梁州於天官上應參之宿宋史益梓利夔四路
井鬼分野通志潼川在觜參之次入觜一次中江距
潼川一百一十里西距漢州一百一十里應在觜參
之次

度數分野性理十九分爲一度博雅在天一度統地二